

ITA-BOOT BELE LORI BUA TAMA MAI AUSTRÁLIA KA LAE?

Gia ida ba traballadór sira iha eskema PALM nian

Ita-boot bele lori bua to'o 10kg tama mai Austrália ba ita-nia uzu rasik. Se ita-boot hela iha Austrália ba tempu ida naruk, ita-nia família bele manda bua to'o 10kg mai ita-boot liuhusi korreiu. Nu entantu, ilegál atu fa'an bua.



Fa'an bua iha Austrália ne'e aktu ilegál no bele rezulta iha selu multa ka pena prizaun.

Uza bua iha Austrália

Traballadór sira iha eskema PALM nian bele uza, fahe no mama bua iha Austrália maibé ita-boot labele fa'an.

Ita-nia empregadór sei la permite ita-boot atu uza bua bainhira ita-boot serbisu hela. Ida-ne'e tanba bua ne'e bele afeta ba ita-boot nia kapasidade atu halo ita-nia serbisu ho seguru. Ita-boot bele uza bua iha li'ur ba oras serbisu nian.

Tafui bainhira mama bua ne'e bele halo estragus ba espasu serbisu nian ka propriedade rezidensiál. Ita-boot tenki uza respiciente ka fatin ida hodi tafui ba laran atu hamenus estragus. Bainhira uza respiciente ka fatin ida hodi tafui, ami rekomenda atu ita-boot soe ba iha lixu-fatin depoisde uza tiha, ka fase halo moos didi'ak molok atu uza fali.

Ita-nia kolega no família sira bele manda bua ba ita-boot liuhusi korreiu bainhira ita-boot hela iha Austrália, naran katak nia todan menus husi 10kg, tau iha embalajen ida kmo'os/transparente no inklui sertifikadu fitossanitária ida. Atu hatene liutan detalles kona-ba regras hirak ne'e, bele haree iha pájina tuirmai.

Restrisaun sira Pasífiku nian

Governu sira balun iha illa Pasífiku no kompañia aviasaun sira, inklui Illas Salomaun no Papua Nova Giné, aplika sira-nia restrisaun rasik kona-ba uza no lori bua sai husi sira-nia nasaun.

Verifika ho ita-nia Unidade Enviu Maundobra hodi buka hatene regras change to kona-ba ida-ne'e iha ita-boot nia nasaun.

Impaktus ba saúde

Importante atu hatene impaktu husi bua ba ita-nia saúde. Problemas saúde tempu badak no naruk ne'ebé bele kauza husi bua, inklui:

- aumentu iha frekuénsia kardíaka, presau arterial, kosar no temperatura isin-lolon nian
- nehan no jenjiva nia kór sai kametak
- ibun-laran kanek no moras jenjiva
- kánkru ibun (maioria ibun-kulit, ibun-laran, no nanál

Se ita-boot lori bua bainhira ita-boot tama mai Austrália, ita-boot tenki:



1. Hetan sertifikadu fitossanitária husi ita-nia governu molok ita-boot halo viajen

- Ne'e tenki inklui kualkér informasaun no deklarasaun sira ne'ebé ezije husi kondisaun sira biosseguransa ba importasaun nian. Bele hatene kona-ba kondisaun hirak ne'e bainhira halo tuir instrusaun sira iha seksaun 'Informasaun adisionál' iha kraik ne'e.



2. Lori labele liu 10kg (kada ema)

- Sertifika katak tau iha embalajen kmoos/transparente.
- Se ita-boot lori liu 10kg, entaun sei foti tiha hodi ba halo inspesaun iha li'ur ba aeroportu. Ita-boot sei selu taxa ba ida-ne'e, no bele lori tempu loron ka semana balun molok bua sira-ne'e entrega fila ba ita-boot.



3. Prienxe ho loloos ita-nia kartaun entrada ba pasajeiru nian no inklui:

- Katak ita-boot lori ho bua, tantu iha ita-nia bagajen liman ka ita-nia bagajen despaixadu.
- Kualkér materiál planta sira seluk (hanesan derok-masin no korokua) ne'ebé ita-boot lori.
- Sertifika katak ita-boot responde ho onestu no loloos ba kualkér perguntas ne'ebé ajentes alfândega ka biosseguransa nian husu ba ita-boot.



4. Bainhira to'o iha Austrália

- Ita-boot tenki apresenta ita-nia bua, hamutuk ho sertifikadu fitossanitária no ita-nia kartaun entrada pasajeiru nian ba ajentes biosseguransa.
- Ajente biosseguransa nian ida sei halo inspesaun ba bua ne'ebé ita-boot lori tama.
- Se ita-nia bua ne'e tuir duni limite ba pezu nian, dokumentada adekuadamente, no livre husi pragas, entaun sei entrega fali ba ita-boot.

Informasaun adisionál

Se ita-boot iha perguntas ruma kona-ba lori ka uza bua bainhira ita-boot hela iha Austrália, ita-boot bele hetan informasaun adisionál iha fatin hirak tuirmai ne'e:

- Governu Australiana ninia Kondisaun sira Biosseguransa nian kona-ba Bua (Biosecurity Betel Nut Conditions), BICON: www.bit.ly/import-conditions-betelnut
- Nasaun remetente ninia Unidade Enviu Maundobra: www.palmscheme.gov.au/countries
- Ofisiál ligasaun sira ka adidu traballu nasaun nian iha Austrália: www.palmscheme.gov.au/contact

BICON

